

KOMORA MAGISTARA FARMACIJE TUZLANSKOG KANTONA



TUZLA, Titova do br. 34, SPO lamela A/II
Tel./fax. ++387 (035) 271-203
E-mail: komora.mrphtk@bih.net.ba
UniCredit bank ž.r.: 3384-4022-1525-3454
ID broj: 4210093340000

Tuzla, 23.06.2020.godine
Broj: 01-480/20

- SKUPŠTINA TUZLANSKOG KANTONA
- VLADA TUZLANSKOG KANTONA
- SVI MAGISTRI FARMACIJE TUZLANSKOG KANTONA
- MEDIJI

PREDMET: Saopštenje i demant netačnih i neprovjerenih informacija koje su prethodile usvojenoj inicijativi za osnivanje JU „Apoteke Tuzlanskog kantona“

Komora magistara farmacije Tuzlanskog kantona, ovim putem izražava demant netačnih i neprovjerenih informacija, koje je u obrazloženju svoje inicijative za osnivanje JU „Apoteke Tuzlanskog kantona“ koristio poslanik dr. Šekib Umihanić, a koje se odnose na to da je Komora magistara farmacije TK u prvom danu Nove godine poslala čestitku građanima da od 01. januara apoteke neće izdavati lijekove sa esencijalne liste, iz razloga što nije potpisan ugovor za 2020. godinu sa Zavodom zdravstvenog osiguranja TK, čime je ucijenila teške i hronične bolesnike, ne pominjući činjenicu da je unatrag 6 godine Komora inicirala brojne sastanke sa predstavnicima vlasti na ovu temu i svaki put su ostala pusta obećanja da će se ovo pitanje riješiti i visina sporne naknade usaglasiti sa visinom nakanade u drugim kantonima, uz naglašavanje da je u Tuzlanskom kantonu ova naknada najniža u proteklih 6 godina u odnosu na ostale kantone u FBiH.

Uvaženi doktor nije spomenuo činjenicu da su pacijentima u tom periodu svi lijekovi bili dostupni putem komercijalne liste, a da su svoja sredstva mogli refundirati u apotekama odmah po postizanju sporazuma Vlade TK i Komore, čime se o magistrima farmacije stvara iskrivljena slika i prikazuju se kao bezosjećajni i pohlepni, zaboravljajući pri tome da su upravo oni jedini medicinski radnici koji tokom predhodnog perioda epidemije COVID-19, nisu zatvorili svoja vrata za pacijente, već su radili pod direktnim rizikom po svoje zdravlje i nikoga nisu, primoravali da formira redove ispred apoteka, već su ih sve ljubazno primali, savjetovali i usluživali.

Poslanik Umihanić je obanuo javnost i kolege poslanike sa tvrdnjom da JU „Apoteke Sarajevo“ radi bez nadoknade po receptu budući da u kantonu Sarajevo nadoknada za izdavanje lijekova sa esencijalne liste iznosi 1,90 KM za sve apoteke, što je 0,40 feninga više od trenutne nadoknade u Tuzlanskom kantonu, kao i tvrdnjom da buduća apoteka može izdavati lijekove na recept bez nadoknade čime bi se ostvarile milionske uštede, s obzirom da je zakonski propisano da minimalna nadoknada za ovu uslugu iznosi 1,00 KM sa PDV-om !

Neistinita je i tvrdnja poslanika Umihanića da se osnivanjem buduće apoteke rješava i problem nestašice antitetanusne zaštite, pripisujući to neefikasnom radu postojećih apoteka, što nije tačno, već se razlog za nestašicu treba tražiti kod državne Agencije za lijekove i medicinska sredstva BiH koja donosi odluke o davanju dozvole na promet ovih proizvoda i koja treba riješiti pitanje dobavljača, a apoteke će u tom slučaju sa zadovoljstvom nabaviti ovaj lijek.

Ono što uvaženi dr. Umihanić, svjesno ili zbog neupućenosti u materiju nije obrazložio i čime je također u zabludu doveo javnost jeste odgovor na par ključnih pitanja o tome kako provesti ovaj projekat, a da sve ostane u zakonskim okvirima:

1. Na koji način Vlada TK planira putem Ministarstva zdravstva TK dodijeliti lokacije za novoosnovanu firmu u svim lokalnim zajednicama kako navodi ? Da li planiraju osnovati više ogranaka ili samo po jednu apoteku u općini i kako bi u tom slučaju doprinijeli poboljšanju usluge, ako bi pacijenti morali prelaziti desetine kilometara da dobiju "besplatnu uslugu" unutar jedne opštine ili u drugoj opštini gdje se osnuje ova apoteka ?
2. Kako se planira osnovati apoteka u općinama u kojima se ne mogu ispuniti zakonski kriteriji (geografski i demografski) o dodjeli slobodnih lokacija i u kojima trenutno radi više apoteka nego što je dozvoljeno pozitivnim zakonskim propisima ?

Mi kao struka podržavamo svaki vid otvaranja novih apoteka i stvaranje novih radnih mjesta koja bi doprinijela smanjenju broja nezaposlenih magistara farmacije, kao i moderniziranih apoteka u kojima bi se pružale neisvremenije i najkvalitetnije usluge pacijentima. Ono što ne podržavamo je nametanje nakaradnih i nezakonitih rješenja mimo poštivanja kriterija propisanih pozitivnim zakonskim propisima, a kojim se u pitanje dovodi egzistencija već postojećih radnih mjesta, za što ćemo se boriti svim raspoloživim pravnim sredstvima. Pogotovo nećemo dozvoliti da se magistri farmacije porede, uz svo poštovanje prema tom plemenitom pozivu, sa pekarama koje su kako dr. Umihanić navodi također mogle tražiti sličnu naknadu po jednom hljebu, jer uvaženi dr. Umihanić bi morao znati da su magistri farmacije njegove kolege zdravstveni radnici te da su takva poređenja ništa više nego bespotrebna i sramna provokacija.

Srdačan pozdrav

**PREDSJEDNICA
KOMORE MAGISTARA FARMACIJE TK**

Aneda Cipurković, mr.ph.



Aneda Cipurković